

## KONDISHONAN GENERAL

### ARTÍKULO 6: Pago di Prima, durashon i fin di e seguro

1. Na kada fecha di pago, e prima lo ser dedusi for di e kuenta bankario a base di un 'standing order', òf depositá dor di kliente riba un kuenta bankario di EXTURA, òf kobra dor di un representante di EXTURA, òf pagá na ofisina di EXTURA. Kliente ta responsabel pa garantisá ku tur prima ta ser pagá na tempu. Si pa un motibu e pago no sosodé di e forma kustumbrá, kliente lo dal e pasonan nesario pa e sosodé di otro forma. Kliente ta mara su mes na paga e prima pa por lo menos un año.
2. Kliente ta obligá di paga prome ku e fecha di vensementu di e prima, ku ta riba dia 20 di tur luna. Si esaki kai den wikènt of riba dia fiesta, outomátikamente e prima ta vense e djabièrnè promé.
3. Si e prima no ser pagá den trinta dia despues di e fecha menshoná den Artíkulo 6 inisio 2, kliente ta den falta sin ku un "aanmaning" ta nesario. E derechonon ku Asegurado tin riba base di e pólisa ta keda suspendi for di e momento ei. EXTURA ta reservá pa su mes e derecho di konsederá e pólisa kaduká.
4. Si Asegurado a pèrdè e derechonon di e pólisa aki segun loke a keda deskribi den Artíkulo 6 insiso 2 i 3, EXTURA ta reservá su derecho di reinstitui e pólisa despues ku e gastunan atministrativo i e prima òf primanan atrasá a keda kompletamente kanselá. E komprobantenan di pago mester ser presentá si EXTURA pidi esaki.
5. Despues di kada año ku e pólisa aki ta na vigor, adaptashon lo por ser hasi na e prima, segun nesidat di merkado.

### ARTÍKULO 7: Fecha di nasementu, òf otro dato inkorekto

Si resultá ku e fecha di nasementu, òf datonan di salú ta aparesé inkorekto riba e pólisa, sin importá ku si pa e motibu aki a kalkulá un prima inkorekto òf nò, kliente ta obligá di informá EXTURA inmediatamente. Omishón di parti di kliente por resultá den pèrdida di e benefisionan garantisá dor di e pólisa aki. Kliente ta responsabel pa notifiká EXTURA ora su adrès di kobransa òf esun di korespondensia kambia.

### ARTIKULO 8: Liberashon di Prima

Ora e pólisa bira liber di prima, ta stòp di fakturá kliente pa e prima mensual, i e pólisa ta keda permanentemente prolongá. E aseguradonan lo mantené nan kubrimentu segun e términonan di e pólisa, kon tal ku a kanselá tur e primanan fakturá te na tal fecha. Liberashon di prima por sosodé solamente ora ku e pólisa tabata na vigor durante e periodo indiká riba e pólisa komo "durashon di pago", i tur prima a keda kanselá. Na momentu di fayesementu, lo kubri e gastunan di entieru te na e montante máksimo di kubrimentu stipulá dor di EXTURA.

Suskrito ta deklará di ta di akuerdo ku tur lo anterior.

Lugá i fecha

### ARTÍKULO 9: Uso di e suma sigurá

EXTURA lo no por ehersé ningun influensia riba e tipo di gastunan di entieru pa kua lo usa e suma sigurá. E persona(nan) menshoná riba e formulario di aplikashon komo responsabel pa regla e entieru, e herederonan legal, òf den nan ousensia ken ku lei apuntá komo responsabel pa kubri gastu dje entieru, lo ta kompletamente liber pa skohe e Artíkulonon i servisionan, tantu den kaso di entieru komo di kremashon, e agensia funerario pa kontratá, klase di e santana, etc. EXTURA di su banda ta ser konsiderá liber di su obligashonnan na momentu ku el a paga e faktura(nan) relashoná ku entieru di e Asegurado na un agensia funeraria, te na e suma máksimo segurá..

### ARTÍKULO 10: Duplikado di e Pólisa

Den kaso ku e pólisa pèrdè òf dañá kompletamente, por fasilitá un duplikado di dje si paga gastunan di pólisa.

### ARTÍKULO 11: Desakuerto

Kasonan pa kua kondishonnan di e pólisa aki no ta hasi provishon lo ser disidí dor di EXTURA, den konsulta ku kliente, òf den su ousensia ku su herederonan legal. Si no por yega na un akuerdo lo solisitá un desishon di parti di e wes outorisá di Kòrsou. Pa loke ta toka e pólisa aki i posibel aneksonan eksistente, kliente ta skohe domisilio na ofisina di EXTURA

Firma di kliente



Schottegatweg Oost 58  
www.extura.cw  
info@exturacuracao.com  
+(5999) 738 2227

# PÓLISA DI SEGURO DI ENTIERO

Schottegatweg Oost 58   www.extura.cw   info@exturacuracao.com   +(5999) 738-2227

**ARTÍKULO 1: Definishon di términonan**

e pólisa aki ta referí na:

EXTURA: Extura Curaçao N.V;

Kliente: e persona ku a solisitá e seguro, i ku ta responsabel pa pago di e prima;

Asegurado: e persona riba kua su bida a sera e seguro.

**ARTÍKULO 2: Base i inisio di e seguro**

1. Base di e seguro ta e formulario di solisitut i su deklarashon di salú athunto. Deklarashonnan inkorekto riba esakinan (sea skirbi dor di kliente mes òf nò) ku por ta di importansia pa aseptashon di e seguro (ku òf sin kondishon di limitashon), komo tambe omishon di sirkunstansia relashoná ku estado di salú di un di e aseguradonan, ta libra EXTURA di su obligashonnan di pago den kaso di fayesementu.

2. EXTURA ta mará solamente na kompromisonan hasi por eskrito, i ku ta ser mensioná den e pólisa òf den un anekso di e pólisa debidamente sertifiká dor di EXTURA, emiti na un fecha mas lat.

3. Kubrimentu di Asegurado ta kuminsá despues ku EXTURA, òf un representante outorisá di dje, a aseptá e formulario di petishon i e deklarashon di salú serka kliente (tur dos debidamente kompletá i firmá) huntu ku pago di e promé òf úniko prima, i e gastunan di pólisa. Na e momento ei un seguro temporal di 30 dia lo kuminsá kore, pa solamente 25% di e kapital asegurá di e petishon. Mas despues kliente lo ser notifiká si EXTURA a aseptá pa prolongá su pólisa despues ku e seguro temporal terminá. Si EXTURA disidi pa mantené e pólisa na vigor, e fecha riba kua e seguro temporal a kuminsá lo ser konsiderá komo fecha di inisio, a ménos ku e pólisa indiká un fecha mas lat. E seguro temporal no ta kubri kasonan di fayesementu komo resultado di problemanan di salú ku Asegurado tabata konosé na momento di yena e formulario di petishon.

**ARTÍKULO 3: Meta di e seguro**

E seguro tin komo meta: sòru pa kubri e gastunan di entiero serka un agensia funerario den kaso ku un persona sigurá, mensioná pa nòmber den e pólisa, yega na fayesé. Tal gastunan ta ser kubri te na e montante máksimo stipulá den e pólisa.

Si inklui yunan di Asegurado pa medio di “kinderdekking”, esakinan lo ta kubri segun e mésun kondishonnan ku Asegurado. Sin embargo, nan máksimo di kubrimentu lo ser kalkulá di ta 80% di e mayor su suma sigurá. Un menor por ser kubri bou di “kinderdekking” bou di solamente un mayor. Ademas, “kinderdekking” no ta duna derecho riba pago kèsh di e saldo restante. E kubrimentu ta terminá na momento ku nan kumpli 18 aña di edat.

**ARTÍKULO 4: Derecho na momento di entiero òf kremashon**

1. Ora un persona sigurá fayesé, e persona enkargá ku su entiero ta gana e derecho riba kubrimentu komplemento di e gastunan di entiero di Asegurado di parti di EXTURA te na e máksimo di kubrimentu stipulá den e pólisa.

2. EXTURA lo keda kompletamente librá di su obligashonnan:

- a. si resultá ku e fayesementu ta komo konsekuensia di suicidio, a ménos ku e seguro tabata na vigor pa dos aña komplemento kaba;
- b. si Asegurado muri durante di òf komo konsekuensia di partisipashon den guera, lucha organisá, òf un forma di lantamentu violento, sin ta den servisio di e estado di su nashonalidat;
- c. fayesementu di Asegurado a ser okashoná deliberadamente dor di òf mediante un familiar te ku segundo grado di parentesko di sea kliente òf Asegurado;
- d. den kaso di un situashon di emergansia (“noodtoestand”) pa “seguro”;
- e. si Asegurado fayesé dor di partisipá den deporte peligroso menera ‘street racing’ ku auto of motosaikele, of ‘drag race’;
- f. si Asegurado fayesé komo resultado di krimen violento;
- g. si Asegurado fayesé debi ku e tabata enbolukrá den trafikashon di droga den e sentido mas amplio di palabra;
- h. si Asegurado fayesé komo konsekuensia di Aids promé ku 5 aña komplemento pasa for di fecha di inisio di su seguro; EXTURA ta keda liber di su obligashon komo resultado di e seguro si na momento di fayesementu e pólisa di Asegurado tin un òf mas prima pa paga fechá trinta dia òf mas promé ku e fayesementu.

**ARTÍKULO 5: Fayesementu di Asegurado**

1. Ora ku Asegurado fayesé, mester presentá na EXTURA:
- a. e pólisa;
  - b. un akto de fayesementu original di registro sivil;
  - c. un komprobante di pago di e último pago di prima;
  - d. un deskripsion médiko di e kousa di fayesementu, si akaso e seguro no tabata na vigor ainda pa sinku aña komplemento na momento di fayesementu;
2. Pago di faktura lo ser efektuá solamente despues ku tur dokumento nesario a keda presentá, i a base di fakturanan presentá ku ta relashoná direktamente ku entiero di e defuntu.
3. Si pa kualkier kousa no por efektuá un entiero, e primanan pagá lo ser restitui despues di dedusi gastunan atministrativo.
4. Den kaso di un parto normal di un yu sin bida, òf den kaso di fayesementu di un yu denter di un luna despues di su nasementu, EXTURA lo paga pa su entiero te na un suma igual na 7.5% di e suma sigurá di kada mayor den seguro, basta ku e seguro di e mayornan tabata na vigor pa por lo ménos tres luna, i tal pólisa òf pólisanan no tin kondishonnan di restriksion ku ta na konflikto ku un posibel pago di e gastunan den e kaso partikular ei. Si na momento di fayesé e kriatura no a ser rekonosé legalmente ainda, paternidat di dje lo ser atribui na e mama su esposo legal, i si tal ta un asegurado, lo agregá 7.5% di su suma sigurá na e pago máksimo pa entiero di e kriatura, di akuerdo ku loke a trata anteriormente.